

Մառայի ՄՌՏ հետազոտությունը

Ջուլիան Դոման

Հիմնված է իրական պատմության վրա

«Երբ Քրիստոսը երկրի վրա էր, Նա խոստացավ, որ կողարկի Սուրբ Հոգուն՝ մեր ճշմարիտ, հավերժական բարեկամին, մխիթարելու մեզ» (Children's Songbook, 105)

Կարծում եմ Մառան կարիք ունի անցնելու ողնաշարի ՄՌՏ հետազոտություն,- ասաց բժիշկ Ֆրանկը: Նա ժպտաց Մառային: «Ես կգրանցեմ դա վաղվա համար: Մի քանի րոպեից կվերադառնամ»: Մառայի ողնաշարը տևական ժամանակ ցավում էր: Երբ նա վեր կացավ այդ առավոտ, մեջքի ցավից չէր կարողանում ուղիղ կանգնել և հազիվ էր կարողանում քայլել: Մառան ու նրա մայրն այցելեցին բժիշկ Ֆրանկին՝ խնդիրը պարզելու համար:

«Էլի՞ ՄՌՏ»,- հարցրեց Մառան, նայելով մայրիկին: Նա մի անգամ արդեն անցել էր այդ հետազոտությունը: Նա հիշեց, թե ինչպես էր վախենում, պառկած մեծ խողովակի մեջ, որը լուսանկարում էր նրա ներքին օրգանները:

«Հասկանում եմ»,- ասաց մայրիկը: «Բայց նկարները կօգնեն բժիշկ Ֆրանկին հասկանալ, թե ինչ խնդիր կա քո ողնաշարի հետ կապված: Ես գիտեմ, որ դու կարող ես դա անել: Ես այնտեղ կլինեմ, քեզ հետ»: Մայրը սեղմեց Մառայի ձեռքը:

«Բայց դու չես կարող ինձ հետ ներս մտնել»,- ասաց Մառան: Նա գլուխը կախեց և արցունք հոսեց նրա այտի վրայով: Մայրը նրա հետ կլինե՞ր սենյակում, սակայն երբ Մառան մտներ սարքի մեջ՝ մենակ էր լինելու:

Մայրը փաթաթվեց Մառային: «Ճիշտ է, բայց գիտե՞ս, թե ով կարող է լինել այնտեղ և մխիթարել քեզ»:

Մառան հիշեց, որ լսել էր Սուրբ Հոգու անուններից մեկը. *Մխիթարիչ*: Գուցե Սուրբ Հոգին կօգնե՞ր նրան այդքան չվախենալ:

«Սուրբ Հոգի՞ն»,- հարցրեց Մառան:

Մայրը գլխով արեց: «Ճիշտ է: Դու կարող ես աղոթել, որ Սուրբ Հոգին օգնի քեզ: Ես ու հայրիկը նույնպես կաղոթենք քեզ համար»:

Դա Մառային լավ միտք տվեց: «Կարո՞ղ եմ հայրիկին խնդրել, որ ինձ օրհնություն տա»:

Մայրը ժպտաց: «Իհարկե: Ես գիտեմ, որ նա սիրով դա կանի»:

Այդ երեկո հայրը դրեց իր ձեռքերը Մառայի գլխին և նրան քահանայության օրհնություն տվեց: Երբ նա օրհնեց դստերը, որպեսզի մխիթարվեն Սուրբ Հոգու կողմից, մի ջերմ զգացում պատեց Մառային: Այդ զգացումը նրա հետ մնաց ամբողջ զիջեր:

Հաջորդ օրը Մառան պատկեց պատգարակին, որը պետք է սահուն տաներ նրան ՄՌՏ սարքի խողովակի մեջ: Նա մտովի կրկնում էր այն խոսքերը, որոնք հայրն ասել էր օրհնության ժամանակ. *Սուրբ Հոգին այնտեղ կլինի և կմխիթարի քեզ*: Մառան ամուր սեղմեց մոր ձեռքը: Այնուհետև բուժքույրն ուղարկեց պատգարակը խողովակի մեջ:

ՄՌՏ սարքը, տարօրինակ ձայներ հանելով, նկարեց նրա ողնաշարը: Մառան պետք է անշարժ



Էնայաջ Ֆ., 6 տարեկան (Յուտա, ԱՄՆ)

Երբ ես հիկ տարեկան էի, ինձ վիրահատել էին, հեռացնելով նշիկներս և աղեղնոցներս: Ես իրոք վախեցած ու նյարդայնացած էի: Հայրս օրհնություն տվեց ինձ: Օրհնությունից հետո ես այլևս չէի նյարդայնանում, և մենք երկուսս էլ ուրախ էինք, քանի որ զգում էինք Սուրբ Հոգին:

պատկեր, որպեսզի նկարները պարզ լինեին: Նա մի պահ տագնապեց, սակայն նորից զգաց այն ջերմ զգացումը: Դա նման էր մայրիկի գրկախառնությանը, կամ փափուկ վերմակի հպումին: Նա գիտեր, որ ամեն ինչ լավ կլինի: Մինչ նա կգիտակցեր դա, ՄՌՏ-ն ավարտվեց:

Գրասենյակում բժիշկ Ֆրանկը ցույց տվեց ողնաշարի նկարները Մառային ու նրա մորը: «Շատ ապրե՛ս, որ անշարժ էիր պատկեր»,- ասաց բժիշկ Ֆրանկը Մառային, ծնկի իջնելով նրա կողքին: «Քո ողնաշարի այս նկարները ցույց տվեցին, որ դու պետք է վիրահատվես, որպեսզի կարողանաս լավ քայլել»:

Մառան կարկամեց: «Լավ կլինե՞ր, որ վիրահատությունը շուտ անեինք»,- ասաց բժիշկ Ֆրանկը, նայելով Մառայի մորը: Ապա նա շրջվեց Մառայի կողմը: «Դրանից հետո կպահանջվի մի քանի շաբաթ, որ դու քեզ նախկինի պես առողջ զգաս, բայց այսօր, տեսնելով քեզ, կարող եմ ասել, որ ամեն ինչ լավ կլինի»:

Մառան մտածեց բոլոր այն գործողությունների մասին, որոնք նա կկարողանա կատարել, երբ բժիշկ Ֆրանկը բուժի իր ողնաշարը: *Ես կկարողանամ վազել, լողալ և ցատկել տերևակույտի մեջ*: Նա կարոտել էր բոլոր այդ բաները: Սակայն վիրահատությունն ավելի վախեցնող էր, քան ՄՌՏ-ն: Ապա Մառան հիշեց իր աղոթքները և իր հատուկ օրհնությունը: Երկնային Հայրն ուղարկել էր Մխիթարիչին իր մոտ: Նա նորից կօգնի իրեն:

Նա նայեց բժիշկ Ֆրանկին և հարցրեց. «Հետո ես կարո՞ղ եմ ցատկել տերևների մի մեծ կույտի մեջ»: Բժիշկը լայն ժպտաց: «Հետո դու կարող ես ցատկել մեծ տերևակույտի մեջ»: ■

Հեղինակն ապրում է Կոլորադոյում (ԱՄՆ):

